

## **Archebwch eich lle ar gyfer Cynhadledd Dysgu ac Addysgu genedlaethol gyntaf Cymru**

**Dydd Llun, 5 Rhagfyr 2011**

Mae'r Academi Addysg Uwch wedi agor y system i archebu lle ar Gynhadledd Dysgu ac Addysgu genedlaethol gyntaf Cymru.

Cynhelir cynhadledd gyntaf *Cyfeiriadau'r Dyfodol* - Graddedigion ar gyfer Ein Dyfodol ar 26 Ebrill 2012 ym Mhrifysgol Glyndŵr yn Wrecsam.

Diben y gynhadledd fydd arddangos a dathlu thema gwella ansawdd, sef y thema gyntaf ar gyfer Cymru gyfan - Graddedigion ar gyfer ein Dyfodol, ac mae iddi dri llinyn gwaith: Myfyrwyr fel partneriaid; Dysgu mewn gwaith; a Dysgu ar gyfer gwaith.

Crëwyd thema Graddedigion ar gyfer ein Dyfodol i helpu'r sector AU yng Nghymru fynd i'r afael â'r blaenoriaethau a amlinellir yn amcanion Er mwyn ein Dyfodol: Strategaeth a Chynllun Addysg Uwch ar gyfer Cymru yn yr 21<sup>ain</sup> Ganrif Llywodraeth Cynulliad Cymru, lle yr amlygir dwy flaenoriaeth ar gyfer y sector: cyflenwi cyfiawnder cymdeithasol; a chefnogi economi fywiog.

Dywedodd yr Athro Craig Mahoney, Prif Weithredwr yr Academi Addysg Uwch: "Rwy'n falch bod yr Academi Addysg Uwch wedi cael y cyfle i gydlynu cynhadledd gyntaf Dysgu ac Addysgu ac rwy'n edrych ymlaen yn fawr at gadeirio'r digwyddiad. Y gynhadledd hon yw'r digwyddiad pwysicaf yng nghalendr Dysgu ac Addysgu Cymru yn 2012, ac rwy'n hyderus y bydd y gynhadledd hon yn amlygu ymarfer rhagorol o fewn sector AU Cymru. Mae gan Gymru gyfoeth o wybodaeth ac arbenigedd i'w rhannu, ac rwy'n eithriadol o falch ein bod wedi cael cymaint o gefnogaeth gan y sector ar gyfer y prosiect hwn".

Dywedodd Amanda Wilkinson, Cyfarwyddwr Addysg Uwch Cymru: "Mae Addysg Uwch Cymru yn falch o fod yn bartner ar gyfer Cynhadledd gyntaf Dysgu ac Addysgu Cymru. Mae'n gyfle prin a gwerthfawr i ddathlu ac arddangos arbenigedd a chydabod talent sy'n ysgogi dysgu ac addysgu rhagorol ar draws y sector. Rydym yn croesawu'r digwyddiad cyntaf hwn ac yn edrych ymlaen at fod yn rhan ohono."

Dywedodd yr Athro Philip Gummert, Prif Weithredwr Cyngor Cyllido Addysg Uwch Cymru, "Cynnig profiad dysgu o safon i fyfyrwyr, lle mae graddedigion yn barod am fyd gwaith a'u rôl fel dinasyddion, yw'r peth pwysicaf i'r sector addysg uwch yng Nghymru. Rwy'n falch bod y digwyddiad hwn nid yn unig yn dod i Gymru am y tro cyntaf, ond y bydd hefyd yn llwyfan i brifysgolion Cymru arddangos y gwaith rhagorol y maent wedi'i wneud i ymgysylltu â myfyrwyr a'u helpu i sicrhau eu bod yn barod ar gyfer cyflogaeth."

Gellir archebu lle ar-lein yn

[www.heacademy.ac.uk/events/detail/2012/26\\_April\\_FD\\_Conference\\_Glyndwr](http://www.heacademy.ac.uk/events/detail/2012/26_April_FD_Conference_Glyndwr).

Nodiadau i olygyddion:

*Mae papur briffio Cyfeiriadau'r Dyfodol* ar-lein yn

[http://www.heacademy.ac.uk/assets/documents/nations/wales/Future\\_Directions\\_briefing\\_paper\\_August\\_2011.pdf](http://www.heacademy.ac.uk/assets/documents/nations/wales/Future_Directions_briefing_paper_August_2011.pdf).

Gwefan Cynhadledd gyntaf *Cyfeiriadau'r Dyfodol* – Graddedigion ar gyfer ein Dyfodol -

[http://www.heacademy.ac.uk/events/detail/2012/26\\_April\\_FD\\_Conference\\_Glyndwr](http://www.heacademy.ac.uk/events/detail/2012/26_April_FD_Conference_Glyndwr)

Er Mwyn ein Dyfodol: Strategaeth a Chynllun Addysg Uwch ar gyfer Cymru

<http://wales.gov.uk/docs/dcells/publications/091209forourfuturecy.pdf>